

# ХУҚУҚ

МУСТАҚИЛЛИК

ДЕМАКДИР

ЎЗБЕКИСТОН РЕСПУБЛИКАСИ  
ПРОКУРАТУРАСИНИНГ ГАЗЕТАСИ

## ИККИНЧИ ЧАҚИРИҚ ЎЗБЕКИСТОН РЕСПУБЛИКАСИ ОЛИЙ МАЖЛИСИ ИККИНЧИ СЕССИЯСИ

25-26 май кунлари Тошкентда иккинчи чақириқ Ўзбекистон Республикаси Олий Мажлисининг иккинчи сессияси бўлиб ўтди.

Сессияда Ўзбекистон Республикаси Президенти Ислам Каримов иштирок этди.

Мажлислар залида Вазирлар Маҳкамаси аъзолари, республика ташкилотлари раҳбарлари, элчилар ва хорижий давлатлар дипломатик корпуси вакиллари, чет эл ва мамлакатимиз оммавий ахборот воситалари мухбирлари ҳозир бўлди.

Сессияни Олий Мажлис Раиси Э.Халилов бошқарди. Олий Мажлис сессиянинг ишчи органи - Котибиятни ташкил этди ва кун тартибини тасдиқлади.

Сўнгра Олий Мажлис Раиси Э.Халилов Ўзбекистон Республикаси Олий Мажлиси қўмиталари ва комиссияларининг Ўзбекистон Республикаси Президенти Ислам Каримовнинг иккинчи чақириқ Олий Мажлис биринчи сессиясидаги маърузасидан келиб чиқадиган 2000-2002 йилларга мўлжалланган қонунчилик ва назорат фаолиятидаги устувор жиҳатлари тўғрисида маъруза қилди.

Парламент депутатлари ҳузурда Ўзбекистон Республикаси Президенти Ислам Каримов нутқ сўзлади.

Парламент-Тадбиркорлик фаолияти эркинлигининг кафолатлари тўғрисидаги,

- «Фаолиятнинг айрим турларини лицензиялаш тўғрисида»-ги,
- «Экологик экспертиза тўғрисида»-ги,
- «Жисмоний тарбия ва спорт тўғрисида»-ги,
- «Аудиторлик фаолияти тўғрисида»-ги (янги тахрирда),
- «Фуқаролар муҳофазаси тўғрисида»-ги қонунлар лойиҳаларини муҳокама этиб, қабул қилди.

Шунингдек сессияда депутатлар «Ўзбекистон Республикасининг ташқи иқтисодий фаолияти тўғрисида»-ги қонун лойиҳасини (янги тахрирда) муҳокама қилиб тасдиқладилар.

Парламент айрим қонунчилик ҳужжатларига ўзгартириш ва қўшимчалар киритди.

### РЕСПУБЛИКА ПРОКУРАТУРАСИДА

#### МАҚСАД: ЖИНОЯТЧИЛИКНИНГ ИЛДИЗИНИ ҚИРҚИШ

Кеча Ўзбекистон Республикаси прокуратурасида идоралараро мувофиқлаштирувчи кенгаш бўлиб ўтди. Уни Республика Бош прокурорининг ўринбосари Б.Тойжонов бошқарди.

Кенгашда ўғирлик, босқинчилик ва талончилик жиноятларига қарши курашнинг ташкил этилиши, бу турдаги жиноятларнинг олдини олиш, фош этиш, тергов қилиш ва жазо муқаррарлигини таъминлаш аҳволи кўриб чиқилди. Ушбу масала юзасидан Республика прокуратурасининг Ички ишлар идораларида тергов ва суриштирувни назорат қилиш бошқармаси бошлиғи А. Нибозовнинг маърузаси тингланди.

Мувофиқлаштирувчи кенгашда Республика Ички ишлар вазирлигининг мутасадди раҳбарлари, вилоят ИИБ бошлиқлари ўринбосарлари, вилоят прокурорларининг ўринбосарлари иштирок этдилар.

Кенгашда ўғирлик, босқинчилик ва талончилик жиноятларига қарши кураш ва унинг олдини олиш юзасидан зарур тадбирлар белгилаб олинди. Кенгаш сўнгида кўрилган масалалар юзасидан тегишли қарорлар қабул қилинди.

(Ўз мухбиримиз)

### ТАДБИР

#### ЭНГ МАҚБУЛ ЙЎЛ

«Тадбиркорлар кўни» — республика прокуратура идоралари тизимида муҳим янгилик бўлди. Бундай тадбирнинг кенг йўлга қўйилганлиги бежиз эмас. Чунки кейинги пайтда тадбиркорлар ва шундай фаолият билан шуғулланиш истагида бўлган фуқаролар турли сунъий тўсиқларга, сарсонгарчиликларга дучор бўлмоқда. Бу каби салбий ҳолатлар баъзан уларнинг иштиёқи сўнишига олиб келади, албатта.

Тадбиркорликни ривожлантириш, қўллаб-қувватлаш, тадбиркор, деҳқон ва фермерларнинг қонуний манфаатлари ва ҳуқуқларини ҳимоя қилиш, уларга ҳуқуқий ёрдам кўрсатиш прокуратура идораларининг ҳам муҳим вазифаларидан бири бўлиб қолди.

«Тадбиркорлар кўни»ни ўтказишда шу мақсадлар кўзда тутилган.

Бу тадбирга биз, журналистлар ҳам катта қизиқиш билан қарамоқдамиз. Тошкент вилояти туман ва ша-  
(Давоми 2-бетда).


### Ушбу сонда

#### ДИСКОБАРДАГИ ЎҒИРЛИК

Шериклар барни тарк этишганида соат миллари тунги 2. 30 ни кўрсатарди. Шунинг учун ҳам улар узок кутишмади. Жиний шериклар мақсадларини амалга ошириш пайти келганлигини англаб жойларидан кўзгалишди.

5-бет

## 1 ИЮНЬ – ХАЛҚАРО БОЛАЛАРНИ ҲИМОЯ ҚИЛИШ КУНИ



#### АРМОНЛИ ДУНЁ

«Ароқдан ҳазар қилинг. Инсон ҳаётини эрмак билманг!» Эҳ, бунақа бақиршдан ҳеч чарчамасам керак. Опажон, нима дейсиз, «баланд тоғ устида ўйнаб» ўсганлар билан, «гўристон устида йиғлаб» ўсганлар бир-бирига йўлдош, дилдош бўла оладими? Онамга шуну тушунтиролмайтман. Расмий эмас, норасмий вакил бўлиб шуну ечишга ёрдам беролмайсизми?

6-бет

#### СОХТА

#### ТЕЛЕМУХБИРЛАР

Дўкончи Лолахон Маматалиеванинг айтишига кўра, бу йигитлар ўзларини Республика телевидениеси журналистлари, деб танитганлар ҳамда шу заҳотиёқ дўкондаги бир неча жузъий камчиликларни суратга олишган.

7-бет













